



Inatsisartunut ilaasortaq Henrik Fleischer
Siumut
/MAANI

Nassiunneqarpoq aqqutigalugu: inatsisartut@inatsisartut.gl

**Kalaallit Nunaanni aningaaserivimmik suliaqarnissamut tunngatillugu § 37
naaportorlugu apeqquteqaammut akissuteqaat**

Asasara Henrik Fleischer

Inatsisartut suleriaasianni § 37 imm.1 naaportorlugu makkuninnga
apeqquteqarputit:

- 1. Nunatsinni namminerisatsinnik aningaaserivittaarnissarput,
Inatsisartuni UKA2017/135 akuersissutigineqarpoq, Naalakkersuisut
suliassami tassani pitsaaqutaasunik ajoqutaasinnaasunillu missuinerat
sumut killippa?**
- 2. Nassuiaammik suliaq suli ingerlanneqarpa? (2018-imi Inatsisartunut
qinersineq najoqqutaralugu)**
- 3. Taamaassimappat – Nalunaajaat qaqugu agguaassangatippisiuk?**

Akissuteqaat:

Soorlu illit nammineerlutit erseqqissarit, 2018-imi Inatsisartunut
qinersisoqarpoq, taamaattumik aalajangiiffigisassatut siunnersuut taasat
atorunnaarluni, taamaattumillu Naalakkersuisut nassuiaatip suliarineqarnera
ingerlateqqinngilaat.

Taamaattoq eqqumaffigeqqussavara, UKA 2007-imi aalajangiiffigisassatut
siunnersuut malitseqartillugu Kalaallit Nunaanni aningaaseriveqarnikkut
ingerlatsineq pillugu nassuiaat suliarineqarsimammat. Taanna UKA2008/150-
imi aamma UPA2009/39-imi Inatsisartunut agguaanneqarpoq.

Nassuiaatip saqqummiunneqarneranut atatillugu allassimavoq, taamanikkut
Naalakkersuisuusut,

*”Naalakkersuisut nassuiaat tunngavigalugu kaammattuutigisinnaanngilaat
pisortat Kalaallit Nunaanni nutaamik aningaaseriveqalernissaanut
suliniuteqalernissaat. Namminersortut inuussutissarsiornerannut pisortat*

07-02-2019
Suliap nr. 2017 - 21174
Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

*annertunerusumik akuliunnerat pitsaanngitsunik kinguneqaannarsinnaavoq,
peqatigitillugulumi kalaallinut inuiaqatigiinnut iluaqutissartai
tikkuaruminaapput.*

*Taarsiullugu Naalackersuisut suliassatut pingaartitarpassuarmik ilaattut isigaat
inuussutissarsiornermut politikkeqaannarnissartik siunertaralugu kalaallit
namminersortut inuussutissarsiorneranni pisortat peqataanerata
annikillisinneqarnissaa.”*

Nassuiaatip suliarineqareerneranili, 2007-09-imi aningaasaqarnikkut
ajornartoorneq malitseqartillugu aningaaserivinnik nakkutilliineq kiisalu
aningaasaatinut piumasaqaatit pillugit maleruagassat sukannernerulersinneqartut
atuutsinneqalerput. Taamaalilluni ilaatigut aningaasaatinut piumasaqaatit
aammalu kreditinstitut-inut aammalu aningaasaliinermut ingerlatseqatigiiffinnut
(CRR) nakkutilliinikkut piumasaqaatit pillugit Kalaallit Nunaannut inatsit,
UPA2015-imi imm. 107-itut suliarineqartoq, Inatsisartut akueraat.

Inussiarnersumik inuulluaqqusillunga



Aqqalu Jerimiassen